

摘藻堂四庫全書薈要

集部

欽定四庫全書薈要卷一萬五千八百七十

集部

梅溪後集卷十四

宋 王十朋 撰

詩

至日寄二弟

雲物書何處山城白帝旁鬢絲驚漸短日線喜初長  
江冷魚思復陽回雁戀行小舟吾已具命下即還鄉

懷二叔

二叔年高甚天涯姪未歸一陽雲物動三峽夢魂飛丈

室懷明慶巍樓上靜暉皇恩許歸去行矣叩林扉

連日鵲喜東歸之祥也詩寄二弟

烏鵲枝頭竟日喧皇恩應許返丘園荒蕪賦就同元亮  
歡喜詩成異審言定有好音來象闕媿無遺愛在夔門  
寄書預報梅溪弟洒掃吾廬辦酒尊

白雲樓赴周漕飯追念行可

不到西臺久傷心憶舊遊水流猶故沼

行可嘗引水植蓮於池

雲

散只空樓丹荔誰祠柳

今夏嘗同食新荔於池邊

清齋不對周徘徊

賦詩處淚下莫能收

哭陳阜卿

槐市聲名早儒林行藝尊麟經無絕學烏府有危言半  
歲甘泉橐頻年刺史幡淒涼道山舊今日幾人存

識面登瀛日論心去國時孟軻非好辯每得公書有楊墨塞路語羊

祐有先知公在道山臧否人手筆今文伯神明古吏師

老成嗟不見流淚讀招詞公嘗作招徐孺子詞

我守番君國公時帥豫章詩筒續元白治境接龔黃流

落來夔子傳聞侍玉皇北門方卧護帝忽遣巫陽

邱報知凶訃傷心不忍言圖猶對徐孺人已喪陳蕃

公前

贈徐孺

杖屨欲三徑衣冠俄九原數行羸博淚瞑目有

子圖

餘痕

公近喪  
長子

夢人贈范文正公集

平生敬慕范文正遺像向來祠楚東夢裏何人贈文集

見公端似見周公

食筍

貧蕾又復長纖纖頭角猶藏味已甜  
吾友子脩三載別不知稚子幾根添

著庭食筍記當年屈指交游半鬼仙

昔與阜卿員仲諸公食筍於著庭

謹護穉龍無恙否得時張主想參天

予昔在著庭嘗禁取筍程太之有詩

云著庭謹護穉龍兒  
養就堅高抗雪姿

夔門雪裏竹萌抽味占盤飧第一流  
深憶江西陳仲舉

如今無復寄貓頭

江西貓頭筍極佳  
生在楚東阜卿每以見寄

寇萊公取韋蘇州野渡無人舟自橫之句增為

十字見於曾南豐所作公傳則知前輩作詩一  
言一句皆有來歷予用其說為巴東詞記有新  
進士作詩云語當人意為佳句何與韋郎野渡  
舟用其韻以解嘲

野水再經吟咏手一般景象兩般舟萊公相業韋郎句  
付與詩人子細搜

夔硯

有以硯來售者曰歛石璞稍巨色青而文細光潤

而發墨兒曹買之或曰非歛硯乃忠萬石耳予莫  
能辨得之於夔目曰夔硯因讀少陵平公得硯詩  
則知三峽古亦出硯也詩以記之

一片夔州硯千年禹鑿痕平公見爾祖王子得其孫銅  
雀今安有羅文世所尊聊同元穎輩文字與吾論

聞韶美侍郎易任廣漢

帝眷甘泉舊綸恩換虎符神應馳北闕眼已見西湖

漢有

西霖雨思賢甚仙槎到漢無書梁形夢寐大厦待公扶



聞報之夕夢韶美  
大書兄字於梁間

書欲臨邛去公俄廣漢行湖欣遇房相詩擬和劉兄為  
郡人生貴還鄉畫錦榮無從陪杖屨老我欲歸耕

臘日與同官小集八陣臺觀武侯新祠

伏幾何時臘又逢天涯尊酒記游從未於山下祠黃石  
且向江濱謁臥龍青眼共看官舍柳白頭相對雪天峯  
虎符願逐桃符換萬里歸心一片濃

梅雪

同僚文字三杯酒臘日江山八陣臺冷有人嫌吾似雪  
清無塵染客如梅

十八日迓虞叅政於西城竹亭去歲亦以此日  
送之

兩年此日此江濱又迓向來歸去賓兀坐茅亭竹應笑  
林間不著送迎人

讀東坡詩

學江西詩者謂蘇不如黃又言韓歐二公詩乃押韻

文耳予雖不曉詩不敢以其說為然因讀坡詩感而有作

東坡文章冠天下日月爭光薄風雅誰分宗派故謗傷  
虬蟬撼樹不自量堂堂天人歐陽子引鞭遜避門下士  
天昌斯文大才出先生弟子俱第一天人詩如李謫仙  
此論最公誰不然詞無艱深非淺近章成韻盡意不盡  
味長何止飛鳥驚臆說紛紛幾元稹

有言歐公詩味短者王介甫云行人

舉頭飛鳥驚之句味亦甚長

渾然天成無斧鑿二百年來無此作誰

與爭先惟大蘇謫仙退之非過呼胷中萬卷古今有筆  
下一點塵埃無武庫森然富摛掞利鈍一從人點檢莫  
年海上詩更高和陶之詩又過陶地闢天開含萬彙少  
陵相逢亦應避北斗以南能幾人大江之西有異議日  
光玉潔一退之亦言能文不能詩碑淮頌聖十琴操生  
民清廟離騷詞春容大篇騁豪怪韻到窟東尤瑰竒韓  
子於詩蓋餘事詩至韓子將何譏文章定價如金玉口  
為輕重專門學向來學者尊西昆詩無老杜文無韓淨

掃書齋拂塵几瓣香敬為三夫子

除日

蝸舍三年別夔門兩歲除盆雖具有簌籬不是鄉閭櫪  
馬喧新集桃符換舊書何如杜陵老守歲阿咸居

元日

元日年年見天涯意故長詩篇示宗武春色酌瞿唐白  
髮又新歲黃甘非故鄉弟兄團拜處歸去願成行

酒名  
瞿唐

春

趙果州送黃柑金泉酒

元日書來自果州柑三百顆酒新蒨賢於齊下六從事  
好似平陽千戶侯老矣惟思醉鄉去歸歟且種木奴休  
使君厚意吾先辱媿乏瓊瑤報所投

四日雪坐間有江梅水仙花因目曰三白

孤標相對楚天涯寒不能威意自佳消得廣平公授筆  
此花真是鐵心花

右梅花

葉抽書帶秀文房玉表黃中耐雪霜得水成仙最風味  
與梅為弟各芬香

右水仙花

不來平地只山巔端為民貧故見憐未到立春猶臘月  
忽成三白定豐年

右雪

人日游磧

好遨蜀風俗夔人貧亦遨今日日為人傾城出江皋遨

頭老病守呼賓酌春醪歸來及初鼓繁燈照霜毛

穀日立春

穀日逢春日江天弄佳氣蔬盆雜蒿韭一箸異鄉味西疇農事動問我歸何未豈無二頃田奚用五馬貴

雙鵲

雙鵲喳喳首向東似將喜報主人公主人只欲東歸去歸作左原田舍翁

王撫幹

蒙

贈蘇黃真蹟酬以建茶



蘇黃文章外翰墨亦莫加蘇得魯公法黃自成一家肥  
無塵俗點瘦或風雨斜可愛如其人敬之無邇遐真蹟  
落人間部屋生光華我無一字藏天遣來三巴吾宗東  
州秀文翰俱可嘉袖中出至寶雙眸洗昏花歸橐今不  
貧持往東南誇何以報嘉貺龍團建溪芽

予雪詩云不來平地只山巔朱鈴幹和云不能  
下乞俗人憐志在潔已陳知錄云只可在山如  
去年志在恤民王撫幹云散作人間大有年志

在潤物三子之志雖不同皆可嘉也各用其句  
作三絕以贈之又以一絕自貶

無喧室對山頭雪雪照無喧室湛然高潔似人人亦似  
不能下乞俗人憐

右贈鈴幹

不道世人貧可憐亂飄宇宙濕厨烟居高潤下澤自普  
只可在山如去年

右贈知錄

時哉臘後立春前散作人間大有年會合風雲洒天外

不須只在蜀山川

撫幹未嘗出蜀故勉之

右贈撫幹

在地在山無不可去年今年同不同銀杯縞帶逐車馬  
何似蓑笠隨漁翁

右自况

春雪

禁體物

立春三日餘霏霏下人間胡不瑞嘉平天於此偏慳忽

從何處來頃刻堆塵寰投隙妙能入遇圓巧成環侵凌  
到肌骨點綴生容顏凝積遽如許掃除良亦艱牧羊念  
大窖擁馬愁藍闕我時巴峽觀眩晃迷江山認峯失白  
鹽問俗非烏蠻豈無興可乘扁舟正宜還

十四日登真武山

山中松柏幾經春壁上龜蛇妙入神羽士相看笑相語  
使君老似去年人

白鹽卓立羣峰外真武山頭平視之試上白鹽峯頂望

未知真武孰高卑

熒煌燈火如星斗  
夜夜人間望此山  
來向元宵試燈火  
却移星斗下人間

禿筆

管城人已老後輩頗相侵  
問汝中書否猶言欲盡心

二月朔日詣學講堂前杏花正開呈教授

孔壇昔栽杏魯人呼東家  
當時三千株化工無等差  
雩風長其實教雨濯其葩  
木與聖化俱芬芳無邇遐  
數株

能白紅開向天之涯况於芹藻間相看意殊嘉對之懷  
哲人甘棠何以加不比曲江春祇名及第花又異仙家  
桃徒爾蒸紅霞願言廣封殖夔魯同光華

泮宮杏花乃閤紫微為教官時所植復用前韻

同年紫微公昔游帝王家穿楊百步間妙不毫釐差桂  
窟擢高枝杏園賞仙葩手移曲江根不憚川塗遐翱翔  
夫子壇栽植泮水涯花好實亦成諸公欣拜嘉我來節  
中和數樹紅交加不見紫微郎如對紫微花滿堂爛銀

袍賦詩麗綺霞大勝瓜李桃欲報無瓊華

甘露堂前有杏花一株在脩竹之外殊有風味

用昌黎韻

桃李未吐梅英空杏花嫣然作小紅孤城絕塞也不惡  
一株綽有仙家風高枝半出脩竹外醉臉略與江梅同  
夔州花木不多有封殖嘉樹知誰功春光忽到刺史宅  
天氣正在中和中不同浪葉落瘴霧自有甘露滋芳叢  
我來歲律驚兩換歸興遙指吳江楓曲江往事何足夢

願為老圃安吾窮明年花開我何處小園數畝蕭臺東  
蒼蒼烟雨記巫峽酣酣詩句吟梅翁

梅聖俞詩杏花  
酣酣春正明

送王撫幹行甫

之子來夔子春江又綠波分符慚政拙贊畫賴才多翰  
墨妙揮染詞章工琢磨扁舟先我去送別奈愁何

郡圃無海棠買數根植之

少陵詩史有遺闕海棠名花輒湮沒孤芳千載逢蘇仙  
竹籬一笑嫣然發我從蜀錦亭邊來

范文正公守番禺  
種海棠於郡圃名



亭曰蜀錦遙入蒼蒼烟雨窟綺霞曉抹神女肌香醪春醉明

妃骨鮮鮮絲葉垂更嫋點點燕脂勻未歇半含欲吐不  
勝情沐露梳風睡明月為開酒尊苦多病欲插一枝羞

白髮照眼千株未觀蜀回首十年深憶越

往在會稽訪諸名園海棠

最何人好事呼名友姚魏不容矜閨閱

曾端伯十花詞目海棠曰名友

牡丹不與凝香有地胡不植負郭無園何處謁不煩飛鵠銜

子來自買芳根帶花掘明年高堂來燕子想見繁紅映  
林樾栽花老守在何許雁蕩山中采薇蕨憑誰為問花

消息有夢遙驚山突兀自慙不是召伯棠那得詩人歌  
勿伐

哭純老

永嘉僧住福州壽山  
予表叔也有名行

忽得潛澗書驚聞壽山死開書未終讀老淚洒盈紙壽  
山僧中傑蕭洒如晉人識高行孤潔冑無一點塵少年  
走江湖叢林叅大士莫年住甌閩道價高遠邇桑下不  
留戀急流猛抽身我欲掛衣冠歸歟遠公親遽聞新塔  
成已葬堅固子無由訪圓澤空對瞿唐水

次韻喻叔竒松竹圖

只應王子猷相愛未許秦皇帝可秦畫我同年作三友  
歲寒節操宰官身

寄巫山圖與林致一喻叔竒

圖畫巫山十二峯緘題遙寄舊游從煩君子細看山色  
不似老夫歸意濃

數千里外共明月十二峯頭望故鄉我對此山無夢寐  
夢魂只在雁山傍

夔路十賢

屈大夫

大夫楚忠臣哀哉以讒逐遺廟大江濱醒清今古獨

嚴刺史

顏

將軍頭可斷詎肯以城降斯可為忠矣至今名此邦

諸葛武侯

卧龍起南陽不為鼎一足託名蜀丞相相漢非相蜀

少陵先生

子美稷高志空抱竟無用夔州三百篇高配風雅頌

陸宣公

敬輿避讒謗閉門不著書活人集名方炳然仁誼餘

韋丞相

處厚

韋侯守盛山賦詩十二首能以堯事君遂令詩不朽

白文公

賦詠窮三峽樂天在忠州苟不以直道亦如元與劉

柳文公

柳公本書生忠勇著岳鄂盛山戮姦吏餘威震夷落

寇萊公

萊公經濟業志在巴東詩斯人不復見亭上秋風悲

唐質肅公

子方筮仕初牛刀割魚復一朝莪廡冠風采百僚肅

續訪得七人

宋大夫

玉

述志哀正則陳詞諷靈修讀君九辨章悲楚非悲秋

源丞相乾曜

傑人掾夔子相業光開元故宅半赤甲荒涼今不存

事見

李貽孫夔

州石壁記

李左相適之

罷相避同列銜杯樂聖人那知偃月堂中有丞相賔

李丞相吉甫

公在忠州日人高長者風忤心無後段寧媿贊皇公

温御史造

誰坐綉衣石曾落金吾膽不戮擁靴人至今有餘憾

程伊川

軻伋誠明學弟兄傳以心易微於九師閉門自鉤深

黃太史

豫章官逸遠直筆非謗史天遣來黔涪詩名配子美

柏架

青銅柯葉勝杉松帶得清風下卧龍日莫微涼起高架  
移床却扇坐從容



次韻林江州題高遠亭

眼明廬阜翠橫空疑是雲頭屹夏峯遺迹君應懷聖治

聖治峯在太平興國宮

故家我亦念歸宗

山南歸宗寺乃逸少舊隱

遙瞻瀑水

三千尺猶隔巫山十二重亭上主人高更遠天然丘壑  
在心胸

登制勝樓

梁棟翬飛百尺樓江山滿目壯夔州鳥穿雲過白鹽去  
魚透浪來清灤遊控扼地臨三峽險朝宗水會百川流

古今制勝人何勝天下奇才忠武侯

再用前韻

下視瞿唐縹緲樓規模雄壓十三州良籌合向暇時運  
緩帶宜來高處游列障四時環坐好大江千古抱城流  
後山植木成陰日誰識十年前故侯

送宋山甫知縣

君住眉山我永嘉老來邂逅楚天涯無詩不和已成杜  
有酒相呼如在家官職未高名滿蜀人才如許邑為巴

且將異日作霖手潤澤河陽一縣花

六月一日

天涯逢六月深憶別家時

甲申六月一日離家

行也亦云遠歸歟

何太遲殊方最炎熱多病想扶持天遣西來意端令啖

荔枝

是日食新荔枝

食荔枝

荔枝初熟飭金盆手擘輕紅子細看風味由來太奇絕  
不教容易到長安

妃子園中荔子奇莫因名號起猜疑清時入坐非尤物  
一洗烟塵賴好詩

詩史堂前種幾時輕紅曾入少陵詩殊方競續櫻桃獻  
萬樹爭先爾獨遲

拾荔枝核欲種之戲成一首

海味正思瑤柱美夔門又見荔枝紅炎方入貢自妃子  
郡圃欲栽如白公

樂天種荔枝於忠州有詩

官滿猶為十年計實成

須待二星終不須更論何時喫前種後收人我同

樂天戲楊

萬州種荔枝詩云聞說萬州  
方欲種愁君得喫是何年

幼女生日

林鍾莫四英吾女此時生日向炎天永月從前夜明提  
攜仰慈母教誨賴諸兄願汝康而壽人如少蘊清

詩史堂荔枝歌

君不見詩人以來一子美莫年流落來夔子賦詩三百  
六十篇西灑東屯客愁裏何人作堂畫遺像收拾光芒  
榜詩史堂前何有有荔枝樹猶未老熟獨遲世人貴早

不貴晚倘非我輩誰賞之涪陵昔遭妃子污萬顆包羞  
莫能訴瀘戎一經少陵擘至今傳誦輕紅句少陵傷時  
淚成血一點丹心不磨滅散成朱實滿炎方風味如詩  
兩竒絕樂天曾畫忠州圖自言香味人間無

樂天詩云  
嚼疑天上

味嗅異  
世間香

君謨亦作閩中譜陳紫聲名重南土何如詩史  
堂前株正是一飯孤忠餘人為世重物亦重端如丈人  
屋上烏巴圖閩譜合避路奚用品第分錙銖攬先熟者  
如楊盧但可與之作前驅閩娘十八婢妾爾將軍大樹

真傭奴我生四百餘年後來作先生游處守登堂三嘆  
荔正丹聊效柳人祠子厚安得先生今復生添賦夔州  
歌一首

少陵有夔州歌十首

要使荔枝之名長不朽

周行可挽詩

我始來夔子公先在計臺江山同弔古文字共銜杯馬  
運言尤力天高聽未回懷人夢不見西望肺肝摧

大事同生日佳城近故丘空留丹竈藥忍望白雲樓偃  
折恩誰繼澄清志未酬傷哉葬元伯執紼竟無由

過客談梁彭州之政不容口聞為虛額所困欲  
引去予願其少留以福千里輒寄惡詩

籍甚吾年友彭州譽正馳那因困虛額遽欲丐真祠勿  
謂徒勞耳終須曰教之家傳治稱最自有九重知

食薏苡粥

夔州再見夏炎瘴侵我肌兩股忽浮腫百藥竟未治或  
言薏苡以良可以作粥糜恐坐伏波謗腹中有珠璣

十賢堂栽竹



六月脩篁帶雨移丁寧護取歲寒枝十賢清節高千古  
不是此君誰與宜

詩史堂荔枝晚熟而佳預約同官共賞偶成參  
差摘實分餉因誦廬陵先生詩云人生此事尚  
難必况欲功名書鼎彛復用前韻以歌之

詩史堂前荔枝晚尤美高壓瀘戎與妃子姓名猶未聞  
峽中風味惟應自皮裏試將遠況江瑤柱正似騷人擬  
良史我来嘆息頤屢支殊方爭獻惟恐遲汝今已晚何

用好不是少陵誰眼之貴妃游魂遭血污五坐悲懷何

以訴惟有雲安再拜人悶解夔州兩絕句

少陵夔州解悶十二絕及

荔枝者二

遺像空存食不血滿目烟霞明自滅何人種此星

幾終一樹團團味竒絕君不見南賓木蓮有華何足圖

樂天過慮重看無

樂天在忠州畫荔枝木蓮二圖木蓮詩云山中風雨無時節明日重看得

無在又不見洛陽牡丹妖艷何必譜六一區區記風土天

生此果更此株夏日之時見子餘

趙衰字

晝疑炎方張火

傘夕訝庭樹栖赤烏雙頭瑩若玉一穀細骨輕於錢五

銖陳江閩閱如崔盧茲產於閩必爭驅甜無中邊大勝  
蜜醞釀不假蜂為奴永安宮西郡堂後折簡呼賓老太  
守時方炎熱會苦稀事好乖違意徒厚手摘高枝贈丹  
實歌和前篇搔白首嗟一餉之樂兮天亦慳於老朽

伏日與同僚游三友亭

炎天過小雨伏日生微涼新亭會僚友故事開壺觴

用番

陽四望亭去年  
瑞白堂故事

泉汲卧龍乳茶烹團鳳香緬懷去年友

跳珠出詩章

分韻得炎字

兩載夔子國尤苦夏日炎稗金又云伏老夫猶未潛呼  
賓江上亭風雄雨纖纖仰知九重心勃鬱念閭閻

上在  
潛邸

作明遠樓詩云閭閻  
多勃鬱有愧此閒身

制勝樓有元豐間太守王延禧及計臺郡僚過  
客唱和詩大書于版歲久字漫命筆吏再書之  
記以數語

周室禾黍過者傷漢宮威儀見之喜神州久沒餘楚蜀

太平聲詩存有幾制勝樓頭詩數版仍是元豐舊臣子  
體製猶存前輩風氣象如樓頗竒偉人雖不見典刑在  
事尚能言文獻是歲月侵尋自漫滅愛禮存羊那忍毀  
百年陳迹一旦新不問升沉與工鄙一洗向來官職眼  
獨刊無盡張居士

張無盡詩  
獨刊石

### 雷聲

雷已先聲雷隱隱雨宜灑道即紛紛為言風伯不須怒  
天下蒼生正望雲

某二年於夔竊食而已無德於民尤無功於學  
校泮宮諸生相與肖其像而祠之意固厚矣然  
非所宜得呈蘇校授

一麾出守喜來夔日與諸生泳聖涯竊取於城勉忠孝  
未能如衮進文詞從公于邁誤成頌爾貌不揚何足祠  
為語廣文休作記麤沙大石定磨碑

聞得吳興

莫年身似杜陵翁流落烏蠻白帝中  
聖主哀憐不終棄

乞祠却得水晶宮

七夕呈同官

今夕何夕夕云七天孫有巧不願乞舉盃遙指河漢頭  
但願歸耕學牽牛我無腹中書可曬亦不曬衣隨俗輩  
緱山未訪仙祖游夔門聊與嘉賓會星河動搖三峽流  
人間天上同新秋鵲已成橋動歸翮我亦一枝棲可得

時聞易任浙西  
遂可還鄉矣

別夔州三絕

竭來夔子兩經年恰是忠州白樂天種柳栽花一般意  
媿無名德比前賢

夔峽民淳獄訟稀使君無事只吟詩才疎政拙形容陋  
深媿邦人為立祠

陳圖入眼渾如夢回首江山又夢間萬里白雲遮望眼  
闕

贈牟童子

牟家六歲好男兒誦得夔州太守詩好把五車書盡讀




早成頭角上天池

別同官

兩年竊祿古夔州邂逅諸君亦宦遊為郡不才真下下  
多助却優優及瓜便合扁舟去行李聊為一飯留  
相期可無語君親恩重各宜酬

梅溪後集卷十四



總校官庶吉士臣侍朝

校對官中書臣金光悌

謄錄監生臣沈恕

欽定四庫全書薈要

集部

梅溪後集卷十五

六

詳校官助教臣謝登雋



欽定四庫全書蒼要卷一萬五千八百七十一

集部

梅溪後集卷十五

宋 王十朋 撰

詩

七月十七日離夔州是夜宿瞿唐

送別亦傷情楊柳陰中涕泣聲我亦憐夔不忍去  
一宵畱宿舊江城

至東屯謁少陵祠

宦游夔子兩經年未到東屯意慊然端為先生舊吟處

不應容易上詩篇

忠不忘君句有神當時無地可容身  
草堂遺像英靈在  
又見匙翻雪稻新

東屯溪山之勝似吾家左原

東屯別是一山川水秀山青似左原  
我待還家築茅屋  
作詩招取少陵魂

登古峯嶺望夔州

巍登古峯嶺回首望夔州  
隱約瞻卧龍微茫見江流  
明

朝望眼遮江山見無由翻令還鄉夢飛過白鹽頭不知  
此邦人亦念使君不使君無可念空有詩篇留

古峯驛小飲

老去最惜別同僚情更鍾三杯古峯驛添我別情濃

燕子坡

燕子歸期近吾今亦得歸烏棲一枝穩何必更高飛

南坡

隔江有  
鳥飛巖

悼巫山趙宰

使者追求急君方歸意濃讒言端可畏鬼物不相容浮  
世誰無死良醫未易逢我來經舊館流涕覺無從

巫峽

三峽江流七月平全家東下葉舟輕陽臺得得收雲雨  
放盡峯巒照眼明

峽中七月行舟斷我仗孤忠盡室行寄語後人宜自戒  
莫因幸免遂輕生

正是瞿唐莫下時却將行止問舟師老夫也是歸心急

不記前吟灩澦詩

神女廟

功開神禹言何妄夢惱襄王事亦非峯下祠荒少人到

峽中舟過有烏飛

每舟過有烏自峯飛下舟人擲餅餌與之銜去復來

昭君村

十二巫峯下明妃生處村至今麤醜女灼面亦成痕

按圖

經昭君村在歸州興山縣而巫山亦有之在十二峯之南神女廟下未知孰是杜少陵詩云若道巫山女醜醜安得此有昭君村劉夢得竹枝詞云昭君村中多女伴永安宮外踏青回則在巫山者是



過大拽

大拽今重過江山記我無雲開列嶂秀石峙一峯孤吏

卒送迎異舟車來往殊

往歲遭陸  
今以舟行

鴻留泥上迹飛去到

江湖

石門

先主為陸遜所  
敗由此門而脫

兵忿雖云敗君臣義有餘石門能脫急風義亦堪書

謁清烈廟登獨醒亭

我醉亦如衆亭慙登獨醒惟知慕清節首為繪儀形

夔府

十賢堂以  
清烈為首

### 黃牛峽

白狗黃牛竹節灘  
竒竒怪怪幾峯巒  
山川好處造化惜  
不許人間平地看

### 黃牛廟

我從白帝城舟次  
黃牛峽黃牛遺廟  
存石馬隻耳缺宛  
如歐公夢地靈亦  
竒絕固宜鎮大川  
千載食常血何人  
讚巨力曾不紀功  
烈神乎豈求食挽  
石駭舟楫

事見張  
天覺贊

或云土勝水茲亦強牽合

事見廟記

白帝將何云吾為究其

說神禹昔治水䟽鑿九州別百神各效職僚佐力俱竭

功成禹化熊塗山亦為石譬如穆南征化者想非一有

化為牛者斷崖留遺跡豈亦黃帝餘與牛同一色至今

名此峽援溺有陰力淫祠自其俗神乎本正直爵以保

安侯足以章神德

紹興間封保安侯

蝦蟇碓水

亦曰蝦蟇背

蝦蟇好居水背水以自濡不知背上味乃與眾水殊品

第高水經煎茶必來須爭汲以致遠不憚險且迂我亦  
走瓶罌一甌淪雲腴所恨太遐僻親朋莫能呼巨蛙如  
有靈曷不上天衢以水為雨露助天澤寰區坎視峽中  
小笑渠子陽愚

石漁翁

釣利釣名者紛紛三峽中何人化為石又作釣魚翁

至喜亭

前年泊舟至喜亭舍舟觸霧登山行身到猿啼虎嘯處

至今魂夢中宵驚  
兩年寒暑深山裏  
瘴癘侵凌身不死  
七月歸舟浮漲江  
重見茲亭實堪喜  
世間憂喜無定形  
此喜本從憂得名  
須知既濟有未濟  
勿謂江流今已平  
又一絕

歸客來登至喜亭  
喜歸兼喜峽江平  
當時作記文章伯  
不止文章得美名

郭道山

學道無成藝有成  
青山猶以道為名  
匆匆不及登山看

歸看家山白鹿城

永嘉城號白鹿有郭  
公山亦以景純得名

宿灌口

拂曉出楚塞中流望荆門  
江隨銅柱轉舟遇虎牙奔  
鳥度南天闊魚翻秋水渾  
宜都轉盼過夜宿舊江村

南望  
乃松

滋  
縣

江陵舟中作

夢裏身曾到永安孤城絕塞俯驚湍  
東歸初喜楚天濶西望堪嗟蜀道難  
灑灑堆邊已陳迹水晶宮裏又麤官

帝鄉咫尺家鄉近臣子憂心亦小寬

查元章自成都走書至江陵并貺蜀牋附子

芝蘭道山舊邂逅夔江邊會合止半載別離又經年君  
猶滯使軺我忽移雲川東歸不及見西望心悠然尺書  
走健卒追上江陵船慙慙贈遠意藥百紙以千我老苦  
多病得藥年可延靜思苦口味奚止沉痾痊但非造樓  
手誤辱文房牋待將君詩文傳寫千萬篇書言作二記  
付與夔人鐫捍波記修壘濟渴記義泉深慙郡政謬濫

託雄文傳君才高輩流君譽藹民編雅志在活人何心  
肯流錢當宁正念賈諸公咸薦賢定歸玉筍班慷慨旒  
宸前所陳必堯舜那肯談武宣早趣舍人裝行著祖生  
鞭我冠儻未掛苕溪遲言旋

離沙市天色變舟人懼風作少憩公安而行默  
禱有應

解任古夔國移官白蘋洲三峽雖幸免大江尚堪憂黎  
明霧四塞篙師請停舟爾禱於公安

公安有二聖寺  
舟人過必禱之

吾



禱亦有由愷悌以為治潔廉以自修神乎苟聽之庶不  
為神羞須臾日光漏江淨烟靄收願如吾祖言千里俱  
安流

望石首山

江山遙望疑若無隱隱漸露山規摹化工作山首安石  
不著草木為肌膚吾鄉石首黃金色五年不見深思憶  
山頭有石名偶同長缺空彈不堪食

巴夔之山厭太多荆江其奈無山何舟中遙遙望石首

一點亦足供吟哦  
艤舟亦向劉郎泐  
應是劉郎招我宿  
劉郎如問舊江山  
永安宮草年年綠

是夜宿劉郎泐地  
以劉元德得名

### 過三沱

舟從三峽過三沱  
柳岸人家轉盼過  
莫惜慇懃問舟子  
江邊好處亦無多

### 塔子山

已過魯家泐猶瞻石首山  
水隨江繚繞山逐岸回環  
雨泊蘆洲畔舟行晚照間  
貪看洞庭好不作沌中還

魯家狀

江頭烟樹色如故記得向來舟出時更讀西行舊詩集  
集中多是沌中詩

宿人老灣

袞袞長江水悠悠歸去船片雲南岸雨明月別州天犬  
為客驚盜蚊令人廢眠江灣號人老驚我鬢皤然

是夕犬吠

疑有盜舟人驚起終夕不寐

烏沙鎮避風

風避烏沙鎮心懷白帝城峽中險已過江上浪宜平

維舟岳陽之西岸徐師汭風作不敢行再留一  
宿用韓昌黎洞庭阻風韻示同行朱仲文張子  
是

月行南箕口簸揚不肯休我至洞庭側狂瀾阻行舟東  
望岳陽城一葦宿可投吾欲破巨浪試呼舟子謀舟子  
笑謂我官豈乘浮丘同行一二官好勇豈仲由君子不  
行險少遲勿煩啾明朝風自定鼓柁無憂愁汗顏答舟

子女語非謬，悠書以示同人。欲速不可求。

望洞庭

端居灩澦兩經年，不戒瞿唐七月船。得得遙從洞庭過，  
要看湖漲水中天。

賈岳州以予阻風致酒肉之贈

軒皇張樂洞庭旁，掀舞魚龍撼岳陽。庖酒豚肩使君意，  
知予肉味未能忘。

魚鰕

買得巴陵金鯽魚又逢公子奮長須  
夜來江上秋風起  
報道吳兒已鱸鱸

初欲維舟岳陽樓下適風作遂泊南津

岳陽樓下風波惡過客舟行不容泊  
遙從湖口入南津  
看盡湖山與城郭樓閣崢嶸照眼明  
君山當面如蓬瀛  
雄文誰繼范文正妙曲亦無滕子京

岳陽樓

後樂先憂記飽觀茲樓今始得憑欄  
吐吞五水波濤濶

出納三光境界寬  
黃帝樂聲喧廣宙  
湘君山影侵晴澗  
江山何獨助張說  
收拾清暉上筆端

洞庭湖

江山好處未經眼  
人道岳陽天下無  
入筆波瀾自今濶  
胸中已有洞庭湖

維舟便上岳陽樓  
風定波瀾萬頃秋  
聞說洞庭通震澤  
水應先我到蘋洲

讀岳陽樓記

先憂後樂范文正此志此言高孟軻暇日登臨固宜樂  
其如天下有憂何

君山

恃險三苗此為國不知諸夏有華勳兩階干羽七旬後  
從此湖山方有君

祖龍遷怒色曾頴帝子有靈山更青湖水如天冬亦涸  
此君榮落一般形

南津淑濟廟



越國曹娥孝可書惜無同氣與之俱武陵今有賢兒女  
弟似靈均姊女須

過仙亭

此處神仙幾度經老松枯朽穉松青如今想作天仙去  
不復飛吟過洞庭

解舟遇風暫泊岳陽城下正對君山

入湖初訝君山遠無翼可隨鷗鷺羣繫纜中流忽心相對  
江湖心亦不忘君

岳陽城下岸赤色亦呼赤壁

岳陽樓下有赤壁照耀洞庭烟水東鄂渚巴陵土多赭  
周郎何處破曹公

君山形如龍南有一小山如龜

洞庭湖山山絕竒大山如龍小如龜弄珠曳尾自遊戲  
不肯吹浪如蛟螭岳陽樓前鐵為械古人欲斷蛟螭害  
蛟螭為害甚巴蛇遺冢猶存足為戒七百里湖涵太虛  
春夏漲溢秋冬枯惟有龜龍長自在不知幾見桑田改

燕公樓

燕公郡事暇詩興滿滄波粉飾開元治江山為助多

道人磯

江中雙石如弟兄呼得道人為友生秋夜扁舟泊磯下  
洞庭湖近月華明

道人身名兩俱稿道其所道非吾道橫江兩石作釣磯  
不似嚴陵臺上好

泊潛江甲

屬玉沙縣

潛江甲口楚天涯蘆荻洲中一兩家呼酒敕厨無一味  
天鷺亂眼似楊花

舟遇逆風破浪賦詩

風撼楚江水雲橫鄂渚天支頤看山色破浪出詩篇門  
掩瀕江舍帆揚上水船江神不借便歸興自飄然

舟中覽鏡

來往成何事霜毛滿髻多洋洋大江水東去欲如何

過嘉魚縣

有山名  
魚嶽

舟過嘉魚縣買魚人道無青山不堪煮彈鋏看銅符

宿通濟口

沌水從茲入中藏寂寞鄉相逢如故舊為我濟歸航

百人磯

歸從三峽水重見百人磯山色只如舊挽舟人已非

南浦

江淹送客傷心處萬里人從蜀道來柳已三番見秋色

蕭蕭雙鬢若何哉

南樓

江漢西來於此會朝宗東去不須分銀濤遙帶岷峨雪  
烟渚高連巫峽雲鸚鵡洲悲狂處士蛟龍池化故將軍  
登臨長願如今日塵靜元規楚不氛

解舟風猶未息暫止江口

狂飆未息浪崢嶸江口停舟不敢行自是吾儕畏行險  
前頭波浪有舟橫

泊舟漢口

稍稍風波定悠悠舟楫移身雖到漢口家尚在天涯大

別思大禹古峯懷古夔

前月是日離夔州

山城有廖廓歸說是

吾兒

聞詩聞禮同朱仲文張子提諸公遊漢陽郡圃言有廖廓臺東望鄂渚山川城郭盡在目中

黃鶴樓

雲鎖呂公洞月明黃鶴樓抱關非故卒誰見羽衣遊

七磯

江上風波惡江中洲渚多回頭三峽遠轉盼七磯過

黃州

弭棹大江濱江山入眼新地疑真赤壁州是古黃人水  
隔三分國武昌在南岸吳故都也風遺兩逐臣王元之蘇東坡雪堂欣覲  
面詩思定能神

遊東坡十一絕

道大才高世不容堪嗟尺水困神龍空游赤壁英姿發  
卻向小橋詩思濃

出處平生慕樂天東坡名自樂天傳文章均得江山助

但覺前賢畏後賢

忠州東坡以樂天得名



少年下筆已如神文到黃州更絕塵我宋人才盛元祐  
玉堂人是雪堂人

世重元之重竹樓雪堂名更重黃州西山草木尤光彩  
一一曾經杖屨遊

江遶山城柳暗村五年詩亂謫仙魂欲尋遺老問前事  
楚語兒童今不存

再聞黃州正坐詩詩因遷謫更瑰竒讀公赤壁詞并賦  
如見周郎破賊時

供成詩案脫纍囚天遣公來此地游自有曾中雲夢澤  
更居雲夢澤南州

三道策成名烜赫萬言書就迹危疑易書論語忘憂患  
天下三經字說時

口誦淵明歸去詞岷峨歸去竟無欺高安難弟來相訪  
細說對床風雨時

批風抹月五經年唵盡淮南盡處天獨與元之韓魏國  
神交千古作三賢

向來茅屋僅容身今日祠堂高更新費盡丹青傳不得  
靈臺一點與精神

至九江陪林守黃中登庾樓出示舊詩

萬里相望牛馬風茲樓邂逅一尊同烟生燕寢香爐上

龜在賓筵食指中

樓之北岸有龜壳洲

舟入滄波詠蘋白飲陪文

字勝裙紅飛黃騰踏日邊去回首羣驚翼北空

黃中赴呂

喻叔奇自番陽來以詩見贈次韻以酬

家居雁宕芙蓉側身自瞿塘灑瀕回覽盡江山歸路遠

舞翻烏鵲故人來

舟至富川烏鵲滿橋  
次日九江與叔奇遇

詩吟夔子相思

句酒飲番陽未盡盃種學績文宜館閣二松那復久淹

徊

琵琶亭

繫舟琵琶秋水深夜靜不聞琵琶音往來多少商婦怨  
世無司馬誰沾巾

過彭澤

萬里歸舟巨浪間只將青眼對青山青山好處惟彭澤

出岫雲歸倦鳥還

馬當山

此地水如峽有山名馬當猶疑是灩澦更合戒舟航

那刹石

一曰那查

七月下三巴孤舟近九華魂猶驚灩澦石更見那查

池之清溪如杭之西湖某歸自三峽維舟弄水

亭南望齊山翠微在眼登譙樓望九華見一峯

奇甚呈提舉李子長知郡趙富文

城南風物似西湖萬里歸舟入畫圖  
光潔貯懷便弄水翠微照眼稱提壺  
浦無時節秋尤好池有精神貴可呼  
最是九華知客意倚天遙露一峯孤

子長和詩復酬二首

往歲遙從彭蠡湖常山地閱武侯圖  
忽乘雪裏子猷棹欣對花間太白壺  
雁宕寄書知有便天台采藥定相呼  
兩翁異日為鄰舍笑說江山大小孤

君往東湖我左湖田園歸去亦良圖  
縱如傳說妙調鼎

終羨淵明高引壺清峭臺中各陳迹翠微亭上偶歡呼  
江東浙右從今後永夜月同千里孤

富文和詩復用前韻

四上祠章都得湖真同起廢甃浮圖路經秋浦人如玉  
洞入齊山天在壺人物宜居國士選吏民聊作使君呼  
還鄉說與賈君子官比廣昌風更孤

賈君元範永嘉賢者與富文同官廣

昌每稱其為人

子長招遊齊山

路經秋浦上崔嵬不負孤舟萬里回峯比九華微具體  
山中洞疑三竺遠飛來勝窮巖石玲瓏地秀吸江湖浩  
有石渺盃先與紫微期一月菊花未放桂花開

富文贈桂花

夔有百花無此香

夔州無桂花

兩年官舍負秋光使君元是

蟾宮客贈我數枝金粟黃

泛清溪

清者未必貴貴者或不清胡為貴池內却有清溪名清



貴兩俱足造物如有情溪有夷屈風池非趙孟榮三秋  
冷浸月十里光涵城真可美茲水更堪濯吾纓天亦知  
我意故令居水精水精豈吾居龍湫老餘生滿壁畫清  
溪坐覺名利輕

子長見示汪樞密游齊山詩因次其韻

莫莫休休祇欲閒貴池誤照野人顏好詩如見元樞面  
佳境仍逢相國山

山因齊  
映得名

談笑從容禪榻畔翠微髣髴

夢魂間吾儕相勉崇名節峴首風流庶可攀

李監題跋  
用羊祐事

富文送鹿肉

太尉前軍得活鹿

全用來  
簡七字

使君慙慙分我肉定知應是

秦失餘苗裔仍為世人逐使君好客今平原秋浦樓頭  
羅水陸青州從事嘉屢拜白鹿山人賜新沫社風留客  
去未得清溪山頭兩經宿頻將口腹溷使君大嚼戲吟  
詩一幅

朱仲文和詩用齊山韻以酬

蜀山同我上崔嵬峽水相隨共載回秋月迎人雪川去

義風吹客浙江來山游未盡無窮力酒興應嫌有限盃  
准擬吳中作重九菊花休道不須開

子長和詩并餽飲食再用泛清溪韻

秋浦天作秋清溪風更清三宿不忍去山以齊為名天  
台李御史傾蓋即鍾情憐我峽中歸笑談洗枯榮攜壺  
上翠微舉首望赤城相期老巖壑便欲遺簪纓贈我十  
首詩字字工且精從今似杜老對酒懷李生何當細論  
文萬戶侯可輕

溪口阻風寄子長富文

風知主人意吹浪留客舟客子念行役形留心不留回

望月峽月

夔州有月峽

坐悲秋浦秋從今懷人夢飛遶清溪

樓

子長和汪樞齊山詩復用前韻

腐儒無用分投閒吳蜀分符祇強顏去訪少陵三峽水  
來尋太白九華山小舟載酒清溪口健卒傳詩白浪間  
風伯相留作吟社願低筆力許追攀

池陽阻風留十日

舟楫何濡滯秋深風未西  
五旬從白帝十日尚清溪  
曾次澤吞楚眼中山見齊  
主人殊未厭壺榼屢提攜

子長攜具至溪口復用前韻

有客雙蓬鬢歸從灑灑瀕西符  
分三竹使地見兩梅溪

舟行

梅溪予家亦有梅溪

舟遇先逢李孟行酒到齊他年石橋路歸去

手應攜

寄林黃中

時黃中泊舟貴池口予泊清溪口東西相去十里

郎星夜照貴池口，漸見祥光燭牛斗。  
甘棠遺愛留潯陽，盡道前無此太守。  
我亦弭楫清溪灘，秋風吹浪高於山。  
與君相去纔咫尺，形影隔絕烟波間。  
晨起揚帆欲東去，風伯江神兩俱怒。  
吾儕行止端由天，天氣未佳聊且住。

望舒山

舟阻清溪十日風，旅懷秋思渺無窮。  
開編細讀舒王句，一點舒山在眼中。

留復州贈舒王絕句一集舟中觀之

出清溪

歸舟十日阻池陽風伯相留意亦良長  
喙參軍初薦熟無腸公子正輸芒  
齊山却向江南好秋浦尤於社後涼  
明日解維苕霅去夢魂猶在水雲鄉

舟至梅根子長寄詩復用前韻

使節淹江左魚符換浙西詩筒猶在道  
客棹已移溪戒險疑浮峽行徐類去齊  
壺觴更何日重向翠微攜

淮山

淮山無數不知名山色遙看點點青  
二百餘年仁草木

莫教烽火起邊庭

九華山

予過池陽登郡樓望九華僅見一峯舟出清溪始見  
之然猶滅沒於雲霧之間晚泊梅根浦方了了見諸  
峯也朱仲文謂不可無詩因作九絕

九芙蓉自九天來太史南游山未開仙境曾經謫仙眼  
佳名傑句兩崔嵬

舟出清溪尚逆風觀山却得少從容浮雲不礙天邊眼



放出神仙八九峯

我在芙蓉山下家  
四年秋色隔天涯  
如今漸覺鄉山近  
已見芙蓉吐九峯

江南一嶽占青陽  
多少神仙此地藏  
聞說仙翁搗藥處

鳥聲依舊克丁當

山中有鳥啼聲曰克丁當  
時人呼為葛仙翁搗藥處

九華山下化成寺  
太白書堂高處開  
想見江山無此境  
故宜頭白懶歸來

峯巒列峙神仙境  
子母相依孝義山  
莫向山中摘花果

惜春啼鳥怒人攀

春景人或登有啼鳥曰莫摘花果人或違之乃鼓翅羣飛厲聲而啼

郡樓初見一奇峯深恐烟霞無路通  
神母遙遙將九子  
總將山色到舟中

曾見齊山小九華夢游縹緲羽人家  
靈山面目忽相見  
舟繫梅根秋日斜

曰華曰子數俱九細看峯巒何許多  
今古畫工圖不足  
冠卿詩奈九華何

唐蕭建以詩寄費處士冠卿云見說九峯峯下寺舊宮猶在下方開其中

坐境客難到請為詩中圖  
畫來冠卿答以二十韻

銅陵阻風

兩年官絕塞萬里下瞿唐  
秋浦浪方息銅陵風又狂  
五松人憶白雙竹句思黃

五松山李太白讀書處有  
魯直雙墨竹詩今亡矣

今夜

舟中中秋何處光

江入銅陵縣舟藏蘆葦間  
郵亭危壓浦佛屋陋依山  
月出烏將繞風高雁欲還  
江山不貧處一覽見塵寰

山有富覽

亭

黃池對月

日十五

白帝去年月黃池今夜看風將清玉宇雲不礙金盤明  
鏡飛邊遠霓裳舞處寒論文一尊酒欣對舊同官

是夕  
館予

方大圭秀才家月明甚與朱仲  
文張子是王康侯錢正叔同飲

### 宣城道中聞鴈

蟬噪景如夏鳥鳴山似春數聲雲外過却是鴈來賓

### 宿新豐驛

小驛數椽屋夜深風雨中鄰家有鷄犬不是漢新豐

### 塗中遇雨

江流渺渺風吹浪  
驛路迢迢雨作泥  
好把金章換蓑笠  
故山深處把鋤犁

過宛陵陪汪樞密登雙溪閣疊嶂樓游高齋望  
敬亭山誦謝元暉李太白詩用樞公游齊山韻  
天將大任未容閒  
清峭依然御史顏  
謝客能吟練江句  
謫仙不厭敬亭山  
雙溪風月壺觴裏  
疊嶂烟霞几案間  
天下蒼生望公起  
歸轅行見郡人攀

離宣城天色陰  
晦望羣山不見樞  
公和詩見寄

復用前韻

聖恩猶未許投閒  
遙訪蘋洲柳與顏  
弄婦解將風送月  
麻姑莫遣雨遮山  
心游孤嶼題詩處  
名玷元樞薦墨間

汪嘗薦九人共與馬

旦夕公歸首台鼎  
高齋遺躅倘容攀

過麻姑山

出郭羣山四望無  
故將詩句禱麻姑  
忽然雲破山開面  
天色如春有鳥呼

宿紅林驛遇交代王給事

路入紅林林未紅相逢俱是白頭翁  
郵亭燈火一尊酒明日君西我向東

廣德途中觀刈稻

田父欣相語今年幸有秋  
深憂水後爛急向雨餘收  
穗盡穴移鼠畦空童放牛  
何當速歸去吾亦有西疇

祠山

秋風吹客過祠山水出平原  
礙往還呼吸雨暘神有力  
掃除雲霧見天顏

桐川三絕

遇太學三友

歸從三峽過三峯益友三人忽此逢  
行李稽留三日雨天教我輩得從容

驛中阻雨

浸淫秋雨阻桐川無術那能補漏天  
傳舍終宵不成寐點燈重讀舊詩篇

文籍遭水



文書隨我下瞿唐  
准擬家添萬卷藏  
水厄那知在平地  
從今既濟要須防

九月一日自道場山如臨安周德載夏廷茂自菁村乘舟來訪既別寄以小詩

二十年前舊友生  
扁舟來訪見交情  
相看容鬢俱非昔  
記得爐亭笑語聲

待對仙林九日登  
佛閣時寄家道場山  
思去年遊卧龍山  
遂用舊韻

浮家東下路間關地近家鄉尚未還風雨滿城欣已過  
星霜入鬢早宜閒去年嘉客同吹帽今日仙林獨侍班  
徧插茱萸憶兄弟更添北望道場山

梅溪後集卷十五

欽定四庫全書蒼要卷一萬五千八百七十二

集部

梅溪後集卷十六

宋 王十朋 撰

詩

九月十三日離仙林

重日脩門鬢已華  
君恩猶未許還家  
木魚聲動催行李  
蠟炬向人空自花

過東林

地入東林眼界奇  
神仙遺跡在榴皮  
湖山如舊無東老

酒為嘉賓釀者誰

郡中久雨入境而霽

積雨喜初霽湖山清更嘉  
船船漁晒網岸岸穡烘茅  
水漲魚蝦樂年凶道路嗟  
人言新太守頭白似苔花

六客堂

水晶宮中刺史宅月

闕

堂遊六客中有一客為主人

萬卷詩書李公擇元

闕

揮玉堂手令舉聲蜚制科策

吾觀使君古遺直三

闕

郎官老詞伯眉山有客何等人

退之少陵李太白直道高才時不容天遣數子為遊從  
吳興清絕山水國五百年過人中龍健峭銀鈎逼顏魯  
點化湖山出奇語高壓白蘋洲上詩更肯區區談小杜  
端如竹溪逢謫仙並遊逸士名俱傳飄飄乘風鼓長翮  
兩兩照坐成台躔苔雲交流卞山碧一代名賢已陳迹  
我後百年登此堂咀嚼姓名牙頰香坐上何曾欠佳客  
蘇仙一去難再得

送朱仲文運幹還蜀

分閩濫曾游蜀口得朋深喜遇坤爻澹臺至室必公事  
平仲與人能久交一葉共乘夔到雲四方相逐愈隨郊  
姓名已在諸公齒引類行看似拔茅

君歸應過無喧室我夢遙馳無隱齋帶得江山在詩卷  
種成楊柳繫離懷定先春到夔門裏莫遣音踈雲水涯  
故舊相逢倘相問為言老欲乞殘骸

讀喻叔奇遊廬山詩

前年我亦到廬山杖屨烟霞縹緲間萬里東歸如倦鳥

不知飛過只知還

路經湓浦歎忽忽不及從君訪遠公忽見廬山真面目  
在君二十一時中

十月晦日會凌季文沈德和二尚書劉汝一大

諫于六客堂

夢寐思賢願與齊一麾來守淞江西星躔舊識尚書履

凌為吏侍時  
某為司封郎

王府曾親太乙藜

劉為校書郎  
某忝同舍

天遣門生

依坐主

某補戴公試解  
試皆沈主文

心隨峽水注苕溪邦人異日談



遺事名姓應同六客題

沈書和詩再用韻

先生名與卞山齊  
賤子來歸自灤西  
自媿蒹葭難倚玉  
暫教松柏俯同藜  
萬言謹論驚天闕  
八詠高才壓婺溪  
柳惲蘇仙舊吟處  
願陪杖屨徧留題

凌書和詩復用韻

人物堂堂大國齊  
難窺賜履地東西  
心才遇日即傾藿  
身或在山誰采藜  
隱德猶能及枯骨

尚書嘗率  
衆葬枯骨

安車行

見起蟠溪後生何幸依先達誤辱山公一字題

劉汝一和詩復用韻

魯酒三盃却到齊詩壇老將勝山西氣餘殿上欲折檻  
清見胸中不糝藜聊復忘機對禪榻未應采藥赴桃溪  
吾儕會合真天意清絕湖山盡共題

十一月十日會于六客堂者十人宋子飛徐致  
雲章茂卿鄧叔厚莫子登俞仲明許子齊沈虞  
卿鄭壽叔酒三行予賦詩

六客高風不可追  
吾儕生恨百年遲  
星光月滿舊游處  
簪盞莫開盈數時  
訪古已仙圖上鶴  
得朋今遇易中龜  
吾夫子道欲墜地  
不是四科誰與持

坡詞月滿苔溪照  
夜堂五星一老聚

光芒某方欲新夫子廟廷貢  
院賴諸公表率故章未及之

汝一和十客詩語及貢院復用前韻

洙泗家風尚可追  
未應吾道便陵遲  
要令士有歡顏地  
如見公為舉首時

汝一發薦  
於舊貢院

山遶苔溪翻振鷺  
水通震

澤錫神龜眼中突  
兀行將見大廈端  
由衆木持

晦日會於六客堂者十二人

湖山清絕多佳士  
暇日壺觴得共攜  
堂上合成前後客  
詩中分得建除題  
不容閨位叅卿月  
坐覺巫山在雲溪  
麟閣功名屬公輩  
老夫惟願把鋤犁

次韻張叔清見寄

名混

太學年時識一夔  
婺溪摻別越三朞  
閩中大府子為掾  
峽內孤城予把麾  
去隔關山共明月  
歸逢魚鴈寄新詩  
苔溪昨夜梅花發  
目對清標有所思

次韻林明仲見寄

憶昔相逢未白頭，別來歲月迅如流。  
自從江左分符去，長念城南載酒遊。  
君似老松姿耐雪，我猶弱柳葉經秋。  
梅溪梅嶼不相遠，歸去定乘尋戴舟。

貢院上梁

清絕湖山映白蘋，翬飛梁棟眼中新。  
雪花先作曉來瑞，桂魄正圓天上輪。  
夫子廟還元氣象，水晶宮發舊精神。  
書生戰藝真餘事，移孝為忠要致身。

諸公和詩再用韻并簡沈虞卿教授

來采汀洲柳暉蘋要觀草色賜袍新士由德行首科第  
木就方圓在梓輪山峙浮圖聳千佛水迎仙子上三神  
耿耿廣廈榮歸日應話林泉老病身

寄夔州張君玉撫幹

名琬

天上張公子同僚半載餘令人思灑灑有客泛芙蕖一  
自離夔子頻蒙寄鯉魚江山元不遠面目在來書

送張光大咸赴長沙簿

同舍張公子長沙遠宦遊讀書真有用謀道了無憂賦  
鵬休悲賈棲鸞暫屈仇薦章行引類文帥是鰲頭

送柑姚子才

梓

少年懷橘獻慈親今見黃柑淚滿巾同舍故人堂有母  
可能羅帕不分珍

過孺人挽詞

周南夫  
教授母

扁舟昔訪戴逵居早識竒兒骨相殊不是剡溪能蘊秀  
祇因蚌腹解生珠家從機斷知為學身自鷄鳴起奉姑

儒術登科有猶子大書遺懿照龜趺

過從有夏孕遺芳作配於周婦德良目不泛觀惟貝葉  
舍無他物有天香魚軒欲動喜家近烏冢忽歸驚夜長  
年古來希子孫足人生如此尚何傷

重刊戒石銘

戒石重刊照眼明良辰又遇臘嘉平

夔州以臘日修戒石

黃堂坐

處天威近一點欺心事莫萌

浸淫秋潦壞垂成忍聽閭閻愁歎聲撫字催科勞更拙



欲逃吏責負斯銘

謁顏魯公祠

卞山苔溪高且清魯公祠堂貌如生言言千古英雄在  
吉吉一點仙丹成姦臣必欲置之死天下不敢呼其名  
當時節義誰可並常山太守公難兄

懷忠堂

霜嚴日烈與時乖前後姦邪屢見排苔雪祠堂境清絕  
孤忠千古有人懷

放生池

畏死貪生物我同仁  
心要在擴而充江湖魚鱉知多少  
盡在恩波浩渺中

次韻翁東叟知縣見寄并簡戴俊仲

濫把江東蜀口麾  
中原入望涕頻揮  
每嗟風俗媿東晉  
晉不與仇讐通那得功名如合淝  
賢士憂時尚家食  
聖君求治

正宵衣腐儒老矣身  
多病日日言歸猶未歸

年時我忝楚東守  
邂逅君從湖北來  
攜手篇章擬蘇李

論交風義薄陳雷棲遲百里淹賢甚奔走三州覺老催  
如見高人戴安道為言吾意最憐才

送師教授

教授師同年自眉山赴闕其西歸也訪某於雲川  
把酒六客堂賦詩論文所得為多索詩贈行以  
姓為韻

同年四百二十六尊酒相逢得我師方喜書來自天目

去冬過安  
吉魯寄書

忽驚人去向峨眉囊開蜀錦留佳句棹拂汀

蘋索惡詩莫道冷官無一物扁舟遙載義風歸

借韻未仲文客

死九江教授

許以表歸蜀

用貢院韻寄當塗吳給事明可

某蒙和貢院二詩三復欽歎因思給事昔尉樂清某  
誤辱知遇縣學落成嘗賦詩百韻以獻回首三紀慨  
然於懷復用前韻

鄉校當年與薦蘋蕭臺氣象自公新老成猶滯甘泉索  
晚進叨乘刺史輪陸凱寄梅情愈重謝公夢草句尤神

何時更作龍門客共話樽前見在身

王夷仲校書挽詞

同姓同年友吾心久已降賓王誤第四江夏本無雙刺  
不投東閣吟惟坐北窓胸中蘊經濟可惜未施邦

明月雙溪地三年兩度逢君登羣玉府我到白鹽峯方

喜書傳鯉俄驚劍化龍

公與孺人  
相繼而去

守符嗟未解執紼恨

無從

仲冬釋奠於學同諸公登稽古閣觀弁山望太

湖閱壁上題名誦范文正公吳興先生富道德  
誥誥弟子皆賢才之句

吳興學校規模壯安定先生道德崇苔雪溪同洙泗水  
汀洲蘋有藻芹風山知尊道猶端弁湖欲依光故近宮  
壁上題名觀尚友諸儒事業聖賢中

次韻錢郎中豫六客堂碧瀾堂二絕

六客高風久已無花間誰對謫仙壺星躔一夕光芒動  
知有仙舟入畫圖

一樽相對眼俱明細話同僚舊日情漢世郎官亦華髮  
恨無詩句似君清

錢再賦二詩復用前韻錢云家無置錐之地寓  
居僧舍有為題米疏者

老來官况兩俱無惟有詩情寄酒壺記取碧瀾堂上語  
衣冠早掛亦良圖

無田種秫似淵明却說歸耕似不情食粥魯公宜乞米  
不妨千載有餘清

送柴常之赴汀州教官

有客神珠玉訪予雲水鄉  
虞庠同舍友虎榜甲科郎  
送別汀蘋白之官芹藻香  
南溟九萬里拭目看翺翔

送朱舜卿赴汀州司戶

家塾游從久賢關聲譽馳  
初官三語掾餘事九章辭  
子正強而仕予嗟久矣  
哀愿言行所學滿慰素相期

二月望日欲勞農于弁山會風雨作遂出南門  
因登峴山觀窪尊訪五花亭遺跡晚霽游何山



觀讀書堂薄暮而還

卞山龍欲阻吾行  
怪雨盲風不肯晴  
但得出郊脩故事  
此中亦可勸深耕

天遣吾來此勞農  
要令遺躅訪顏公  
雖無二十四賓客  
詩酒略追前輩風

久欲歸耕竟未歸  
又吟茗雪勸農詩  
流錢腐粟慚無術  
稼穡艱難或稍知

勞農峴山乘興游  
何山同行宋子飛  
沈虞卿霍

從周范文質

去秋游道場俯瞰何山路林泉雖在眼未暇飛杖屨塵埃汨城市遙望隔烟霧春光忽已半播穀催農務欲作卞山行偶逢風伯怒肩輿出城南乘興訪幽趣山藏佛屋深迹躡陳朝故老松不記年脩竹不知數鳥鳴說法池花落禪處畫空何公堂木拱安定墓青山看未足回首日已暮小溪何處是歸誦蘇仙句

寄沈虞卿寒夕上安定冢

先生宗儒宗風義起人聳何山如孔林世俗豈知重廣  
文領諸生寒夕親上冢我獨不得行為義慙無勇

登清風樓呈通判宋子飛

苔雲水會處樓高風快哉洲中白蘋動天半故人來穆

入周臣頌雄勝楚客臺飄飄玉川子乘興上蓬萊

時某得祠

子飛攝郡事的別是樓子  
飛亦將美解故斷章及之

郡僚展餞席上賦詩

五年三郡厭驅馳聖主隆恩許奉祠孤嶼衆山重對酒

孟浩然永嘉詩云衆山  
遙對酒孤嶼共題詩

清風明月欠吟詩

清風明月二樓名某至郡

困於吏事賦詩無幾

心勞撫字政尤拙田不荒蕪去亦宜餞別同

僚三十二雲臺功業滿相期

### 父老

父老自何處同來送使君手中一爐香敬為使君焚使  
君無善政父老何慙懃同辭答使君去秋稼如雲淫雨  
害垂成一年計徒勤使君體上意租苗放三分父子免  
流離歡然事耕耘年凶米不貴夜靜犬不聞顰眉答父

老正緣此紛紛黃堂非坐處歸歟老桑粉

至德清懷送別諸公

舟泝餘不

聲平

水回頭憶兩溪川長太湖隔天遠卞峯迷

左顧龜何在

縣有左顧亭  
孔愉放龜處

南飛烏欲棲從今到家夢却

到淞江西

金仙院

金仙何處不曾游小小精藍亦自幽有客倦游歸欲速  
可能一宿為山留

宿妙庭觀

董雙成  
故宅

小小琳宮氣象清  
雲軿遐想董雙成  
靈丹煉就覆金鼎

見坡詩

仙鶴歸來聞玉笙

有玉笙庵  
香風堂

兩絕老坡吟處境千

秋太白曲中名塵埃奔走東歸客  
寄卧一庵聽雨聲

宿富春舟中

苦雨冷朱夏小舟  
眠富春餘生今可樂  
歸作太平人

是日

得勅提舉太平興國宮

泊桐廬分水港

何處繫歸舟  
桐廬舊日游  
港從分水出  
亭瞰合江流

合江

亭  
疊嶂雲披絮  
遙天月吐鈎  
紛紛釣魚者  
無復見羊裘

小瀑布

在釣臺之東前對方  
巒有巖花頗幽奇

釣瀨雲山外  
巖花瀑布邊  
却疑方處士  
詩思湧成泉

釣臺三絕

聖主中興急用人  
小臣無術贊經綸  
功名分付雲臺士  
願學先生事隱淪

竊食三州媿不才  
扁舟又過子陵臺  
心知敬慕先生節

乞得祠宮歸去來

山水高長子陵節祠廬瀟灑范公詩又吟處士清新句  
蟬拽殘聲過別枝

吳明可自當塗以詩見寄因次其韻

五年三郡厭間關心逐東歸見鴈山力上祠章期得請  
果回天意可投閒踈慵似我宜歸去名德如公合召還  
珍重詩來二千里義風高韻兩難攀

夢到江南詠采蘋眼中時事一番新在官未幾髮就種



某到雲川  
鬚髮盡白

語別又成腸轉輪老境衣冠宜掛壁祠宮香  
火謾願神吳公治行今第一也問君王欲乞身

端午日陪柳嚴州登千峯榭

即蕭  
灑亭

偶上千峯榭遙思八陣臺去年重午日僚友共銜杯  
偶上千峯榭因思小范公桐廬蕭灑處盡在十詩中  
偶上千峯榭遙思六客堂前時賦詩處烟水路茫茫  
偶上千峯榭當時恨不來使君留過客高處酌金罍

宿安流亭

弭棹宿溪亭全家夢寐驚明朝速解纜莫待濁流平

過老鼠岐

去年灘下黃牛峽今日舟逢老鼠岐莫恃巖崖起波浪  
可無天定水平時

風水雨俱逆舟行何太稽安心出三峽破膽上雙溪

予至蘭溪買扇題歸去來字吏忽報有潘淵明  
相訪戲書二十字

扇題歸去來客遇潘淵明舉扇謝佳客歸耕吾已成

沂婺溪同年雍堯佐周堯夫同王與道尚書子  
姪拏舟來迓


路入雙溪暑氣清故人短棹遠相迎  
隔船認我疑非我白髮當時尚未生

婺女廣文官舍舊有五柳蕭侍郎德起為教官  
時取以名堂歲月浸久柳既剪伐名亦更矣周  
堯夫欲復其舊詩以贊之

何人栽五柳雅目自蕭公  
要使廣文舍長存彭澤風名

因賢者復趣與昔人同留取先生傳他年國史中

梅溪後集卷十六



總校官庶吉士臣侍朝

校對官中書臣金光悌

謄錄監生臣沈懋德